



Us dm ahl Kloavend

Als klei Jong mosst ech emmer e en Frisörsalon
Dem sin Chef kannte nur ei Frisur: "Kurze Fasong"
Mr ka och sä en Pisspott ob de Hoarn
Wat dronner es blibt, alles anner es verloarn
Abgeschneere on bletzeblank rasiert
Mr soa us wie frösch for dr Barras rekretiert
Dat woar mr en Ploag em Kenergarde on e dr Schoarl
Weil jeder Jong doamoals en stachelech Mecki ha woll

Dn Mecki kannte mr us de Lurchi-Heftcher vam Salamander
Dt Schogeschäft a dr O-Bus-Wen never dm Lunapark
So en Ijel ob dem Kopp, dat fonne mr stark

Dä Frisör, en ahl Kommisskopp, schwatte bim Schniere Sächsisch
On de kurze Fasong koam da ob "zwee Mork seschzesch"

Usser de Hoarn goab et noch en anner Schocker
Em Wenner de krachläerne Kneckerbocker
Ech woll so gern en Jeans or en Botse us Cord
Da hes et: Blib bet de halfstarke Manchesterbotse fort

E dr chrestlech Jungschar en Uniformhemd bet Flagge on Adler överm Herz
Doabi en schwarz Doch öm dr Hals bet Lärknore
"Fest und Treu" ston am Ärmel va däm Dress
Oogefähr wie det Motto va der SS
Gesonge wur vam leve Heiland, va schmale Nejerpfade on vam fulle Nejer Ovambo em Kraal
A Silvester bet "Jurefürze" knalln woar och normal

A dr Bismarckschoarl säde de Lehrerin e dr Erdkundeston
Kener, sid net nur artich on flissig
Lehrt och de deutsche Grenze va sevedrissig
Doava schrieve mr en Test, dat mosst er da kon
West och, mir derfe net senge wie et dr Englänner, dr Franzos' on dr Russe döt
"Deutschland, Deutschland över alles"
Dat es so e schör Leed

En Bekannter arbte bi der Verwaltung ob dm Amt
On proahlte, dat Plakat e minnem Büro es överall bekannt
"Schwarz, Rot, Senf, wer hat uns verraten
Der Sozi Herbert Frahm schoss auf deutsche Soldaten"

Usswärdije koame a de Dürn zom Hussiern
Se wolle Knibbcher on Schern wetze on poliern
Verkaufte och Drüjdöcher, Zwirn on Knöpfe
Hadde donkel Hutt, en Schnurres on schwarze Hoarn ob de Köppe
De Kener refe: "Zick-Zack Zigeunerpack"
De Ahle säde: "Nämt au lever enacht
De Mäckeser won au Kener fänge
On zom Verkauf e dr Orient bringe"

Alles erläbt em Sejerland öm Nünzesechsesechzech röm
De Adolf-Zitt woar noch net lang vorbi
Net om Kob va de Kener - on net em Kob va veel Lü